



Publicaziuns dalla vischnaunca, jamna 51

Damondas da baghegiar

2017-1072.000

Datum dalla publicaziun: 22 da december 2017

Il patrons: Seraina ed Adrian Bigliel, Via da Scola 1, 7180 Disentis/Mustér

Il representant: huonder bisquolm architects sa, Via da Scola 18, 7180 Disentis/Mustér

Object: Sanaziun totala dalla casa, niev cundrez fotovoltaic sin tetg e construcziun nova d'in sottetg d'autos sin parcella 1780, Via Disla 7, 7180 Disentis/Mustér

2017-1073.000

Datum dalla publicaziun: 22 da december 2017

Il patron: Casatec SA, Via Alpsu 49, 7180 Disentis/Mustér

Il representant: huonder bisquolm architects sa, Via da Scola 18, 7180 Disentis/Mustér

Object: Amplificaziun dil baghetg Center Casatec e construcziun nova d'in sottetg d'autos sin parcella 2204, Via dalla Stampa 8, 7180 Disentis/Mustér

- Il plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil re current ni da siu representant.

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2017 – 1043.000

Guido e Silvia Bucheli-Caduff, Via Peisel 2, 7186 Segnas; construcziun d'ina casa nova pil menaschi puril, parcella 211, Salez, 7186 Segnas

Nr. 2017 – 1058.000

Andrea Deflorin e Remo Monn, Via Principala 13, 7031 Laax; spazzar il baghetg d'economia e cnstrucziun d'ina casa d'ina habitaziun, parcella 3943, Via Acletta 53, Disentis/Mustér.

Uffeci da baghegiar Disentis/Mustér

Administraziun communal

Sur las fiastas da **Nadal** e **Daniev** ei l'administraziun communal **serrada** ils suandonts dis:

- gliendisdis e mardis, ils 25 e 26 da december 2017
- venderdis, ils 29 da december 2017
- gliendisdis, igl 1. da schaner 2018
- mardis, ils 2 da schaner 2018

Nus giavischein ina biala fiasta da Nadal ed in bien onn 2018!

Administraziun communal



Remplazzament dall'illuminaziun publica Invitaziun d'annunziar observaziuns

Il 20 d'ost 2017 ha l'interpresa Repower AG entschiet cul remplazzament dall'illuminaziun publica. L'illuminaziun vegn adattada al niv sistem LED ed equipada cun in sistem da pilotadi.

Il sistem da pilotadi lubescha d'adattar l'illuminaziun al basegns dil traffic. Aschia sa l'illuminaziun vegnir reducida la notg. Il sistem LED en cumbinaziun cul pilotadi possibilitescha da reducir marcantamein il consum d'energia.

La gronda part dallas cazzolas ein gia vegnidadas remplazzadas. En singuls loghens succeda quei el decuors digl unviern resp. dalla primavera 2018. Entochen che tut ei programau ed adattau, drova ei aunc empau temps. Il pilotadi funcziuna suandontamein:

- Las cazzolas s'envidan la sera e sestezzan la damaun automaticamein sco entochen dacheu.
- Tenor program sereducescha la glisch entuorn las 21.00 entochen la damaun ca. allas 6.00. Quei temps sa vegnir adattaus tenor intensitad dil traffic. Duront il temps che las cazzolas glischan reducidamein, sesclareschan quellas per in cuort mument sin fundament d'in moviment sin via.

A vesta da quellas pusseivladads tecnicas e che l'illuminaziun publica en nosssa vischnaunca cumpeggia ca. 400 cazzolas, essan nus dependents dallas observaziuns da vischinas e vischins. Nus supplichein Vus d'orientar nus sur da Vossas constataziuns davart irregularitads, sinaquei che nus sappien prender las mesiras necessarias. Impurtont ei da comunicar a nus la via pertuccada, el cass da cazzolas singulas la numera da quella indicada sin la petga e l'observaziun ch'ei vegnida fatga. Las observaziuns san vegnir annunziadas all'administraziun communal (tel. 081 920 36 36 ni per e-mail infra@disentis.ch). Per Vossa collaboraziun engraziein nus cordialmein.

Infrastructura communal Disentis/Mustér

Cussegl da vischnaunca

Rapport dalla seduta dils 15-12-2017

Ella seduta dils 15 da december 2017 ha il cussegl da vischnaunca sut il tgamun da Christoph Berger tractau e concediu unanimamein in credit da frs. 135000.– per la construcziun d'in baghetg pil santeri e stabiliment per la rimnada da rufids.

Il cussegl da vischnaunca ha eligiu Armin Manetsch, Mumpé Medel, sco president dil cussegl da vischnaunca per igl onn 2018. Sco vicepresidente ei Armin Berther, Segnas, vegnius eligius. Pils proxims treis onns ei plinavon Paul Duff, Segnas, vegnius reeligijs sco actuar dil cussegl. Suenter la seduta han las commembras ed ils commembers dil cussegl, ensemen cun la suprastonza communal, astgau guder la beinmeritada tscheina finala.

La suprastonza communal admetta al cussegl da vischnaunca in grond engraziament per la buna lavur prestada sco era per l'emperneivla collaboraziun.

Suprastonza communal

Referendum facultativ spiraus

Il 16 da november 2017 ha il cussegl da vischnaunca approbau unanimamein il preventiv 2018.

Encunter quella decisiun ei enteifer il termin fixau buca vegniu fatg diever dil referendum, aschia ch'il preventiv 2018 ei approbaus definitivamein.

Suprastonza communal

Cantar dils Retgs 2018

Il sogn Retgs dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els speran d'astgar legrar e delectar biars cun lur viseta e cant. Il tur entscheivan els mintgamai allas 15.00.



Ina part dil recav va en favur dalla Casa Soldanella ed alla organisaziun Médecins sans frontières.

Gievgia, ils 4 da schaner 2018

gruppa 1: Carcarola, Davos-Mustér, Via Sursilvana, Suls Orts, Via Cavardiras

gruppa 2: Sogn Gions, Catins, Raveras, Giudem Cons

gruppa 3: Cuppa, Via Pervenda, Via Dulezi

Venderdis, ils 5 da schaner 2018

gruppa 1: Cavardiras, Pardomat, Madernal, Faltscharidas, Sontget

gruppa 2: Mumpé Tujetsch, Via Denterpraus,

Buretsch, Cuo, Sax, Acla da Fontauna

Gruppa 3: Mumpé Medel, Acletta, Funs, Funs-Dado, Caschuarz sera cantar el vitget dalla Reka

Sonda, ils 6 da schaner 2018

gruppa 1: Disla, Chischliun, Scaletta

gruppa 2: Peisel, Segnas

gruppa 3: Clavaniev, Latis, Cons-Su

19.00 cantar duront messa en baselgia a Segnas, naven dallas 20.00 cantar en las ustrias

Dumengia, ils 7 da schaner 2018

11.00 cantar duront messa a Mumpé Medel

15.00 viseta e cantar ella casa Puntreis

gruppa 1: Via da Scola

gruppa 2: Gonda, Via Sontga Gada

gruppa 3: Cons-Sut, Via da Scola

17.00 devoziun en baselgia Sogn Gions e cantar

18.30 cantar duront messa en baselgia da Nossadunna

Invitaziun ad ina sera d'informaziun publica hotel «Acla da Fontauna» e Center da sport e cultura

Nus envidein tuts interessai alla sera d'informaziun publica moderada ed embellida musicalmein che ha liug **venderdis, ils 12 da schaner 2018** allas 20.00 en sala Peter Kaiser dalla Claustra Mustér.

All'informaziun e discussiun prendan cuss. guv. Jon Domenic Parolini, il cau digl uffeci d'economia e turissem, Eugen Arpagaus sco era representants dalla gruppa da projectaziun e digl investur dil hotel «Acla da Fontauna» part. Sper il project per in niev hotel «Acla da Fontauna» vegn era informau davart il stan dalla planisaziun per la sanaziun dil Center da sport e cultura. Suenter l'orientaziun vegn purschii in aperitiv, duront il qual nus selegrein da far cun tuts presents in viva sigl onn niev e sin in empermettent futur da nossa vischnaunca.

Suprastonza communal

Controlla da habitonts

Mortori

Rosmarie Lozza-Laim, naschida igl 1. da zercladur 1950, morta ils 18 da december 2017

Scola da musica Surselva – Musikschule Surselva

Adatg, novs cuors – Achtung, neue Kurse

Scolasta/Lehrerin: Gabriela Tambornino

Ritmica per affons pigns (annadas 2012/2013)

Nus cantein e sunein en gruppa. Otg lecziuns: entschatta ella jamna dils 5 da fevrer 2018

Kleinkinder-Rhythmik (Jahrgänge 2012/2013)

Wir singen und musizieren in der Gruppe. Acht Lektionen: Beginn in der Woche vom 5. Februar 2018

Mustér/Disentis:

gievgia/Donnerstag 14.30–15.20 casa da scola

Annunzia/Anmeldung bis 15.1.2018



Formulars ed ulteriuras informaziuns/Formulare und weitere Informationen: www.bzs-surselva.ch
Tel. 081 926 25 10, admin@bzs-surselva.ch

Chor baselgia Segnas

Preavis:

15avla exposiziun d'art e sentupada a Segnas

Temps d'avertura:

Dumengia, ils 17 da december, dallas 14.00–19.00

S. Stiafen, ils 26 da december, dallas 14.00–19.00

Mesjamna, ils 27 da december, dallas 14.00–19.00

Sonda, ils 30 da december, dallas 14.00–19.00

Nossa purschida:

Artists ord nossa regiun exponan lur scazis.

Stiva da caffè cun specialitads dil vitg – Entrada libra Da Vossa viseta selegran ils expositurs ed igl organisatur

Chor baselgia Segnas

Quarta fiera da Silvester ad Acletta

Mesjamna, ils 27-12-2017, 15.00–21.00

Fiera cun products indigens, ustria cun gril, vin cauld, punsch, pettas eav. Sentupada per indigens, cussadents e turists da vacanzas.

Sin vossa viseta selegran famiglia Candinas e team

Festliches Orchesterkonzert zu Weihnachten und Neujahr

Donnerstag, 28. Dezember 2017, 20 Uhr im Peter-Kaiser-Saal, Kloster Disentis.

Uniun da gimnastica da dunnas Mustér (Frauenturnverein Disentis)

Die nächsten Daten für das Line-Dance-Angebot einmal im Monat lauten wie folgt:

Donnerstag, 18. Januar, 1. Februar, 8. März und 5. April 2018, um 19.15 Uhr im Center da sport e cultura in Disentis.

Wir laden alle Tanzbegeisterten ein, bei uns hereinzuschauen. Uniun da gimnastica da dunnas Mustér
Tel. 079 672 50 46.

Las datas per nossa purschida Line-Dance inaga per meins ein:

Gievgia, ils 18 da schaner, igl 1. da fevrer, ils 8 da mars ed ils 5 d'avrel 2018, allas 19.15 el Center da sport e cultura Mustér. Nus envidein tuttas interessadas pil sault. Vegni tier nus en halla da gimnastica!

*El num dall'uniun da gimnastica da dunnas Mustér
(tel. 079 672 50 46)*
